

الكاثوليكون

## يهودا

الحياة عنوان الإيمان

نعمة ربنا و غفرانه لنا معناه حياة جديدة تماماً .. إيماننا بربنا معناه حياة مقدسة و  
طاهرة فيه .. ده أهم بكثير من كلامنا و من علمنا .. من يحب ربنا يحفظ وصاياه و يعيش  
بيها .. الإيمان الحقيقي هو اللي فيه ثمر بالأعمال

طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه  
ده مجرد ملخص بسيط, مش درس كتاب 😊

[i عن السفر](#)



الصورة من موقع BibleProject

عدد الإصحاحات: 1

**السفر موجّه لمين؟** مش مذكور إنه موجّه لكنيسة معيّنة ... هو من الرسائل الموجّهة للكنيسة عموماً في كل زمان و مكان

**ظروف الكتابة:**

- يهوذا الكاتب هو يهوذا تداوس أحد ال12 تلميذاً ... أخو القديس يعقوب بن حلفى اللي كتب رسالة يعقوب
- كان لقبه (أخو الرب) لأنه ابن خالة ربنا يسوع

**هدف السفر:** ✓

- التأكيد على إن نعمة ربنا يسوع ليانا المفروض يقابلها حياة مقدسة من ناحيتنا
- ده لازم يبان في كل قِيمنا و اختياراتنا ... اللي يقول إنه بيحب ربنا يسوع يبقى لازم يحفظ وصاياه

### مفاتيح فهم السفر:

- السفر فيه اقتباسات كتير من العهد القديم
- كمان فيه اقتباسات من التقليد اليهودي و الكتب دي كانت معروفة زمان للمتديّنين اليهود و بيدرسوها ... الكتب دي مش جزء من الكتاب المقدس لكن بعض كلامها مهم و حقيقي
- القديس يهوذا كان عارف إن اللي هايقرأ الرسالة فاهم الكلام ده و قاري الكتب دي

### ترتيب السفر

التعريف بهدف الرسالة بعدها تحذير من خطورة المعلمين الكذبة و نصايح في الختام عشان نبني نفسنا روحياً صح

إصحاح 1 : 1 ل 4

### هدف الرسالة

سبب انحراف الإيمان و أهمية الحفاظ عليه

إصحاح 1 : 5 ل 19

### تحذير من المعلمين الفاسدين

صفات المعلمين دول و خطورتهم

إصحاح 1 : 20 ل 25

### كيف تتعامل الكنيسة

إزاي كل واحد فينا يبني هيكله الروحي

### ملخص السفر

## # 1: هدف الرسالة

إصحاح 1 : 1 ل 4



الصورة من موقع BibleProject

- **آية 3 وصية الحفاظ على الإيمان المستقيم** ... كان هدف القديس يهوذا إنه يكتب رسالة عن خلاص ربنا و تأمل فيه (عقيدة أكثر)، لكن فيه موضوع ثاني أهم و مستعجل أكثر
- **آية 4** بيشرح فيها سبب كتابة الرسالة: **المعلمين الفاسدين** ... و الكارثة مش بس في تعليمهم، الكارثة الأخطر في طريقة حياتهم ... عايشين في الخطية تحت مفهوم إننا أحرار في المسيح و كل شيء يحلّ لي! يعني بيعملوا الغلط باسم ربنا! طبعاً دي كارثة على كل اللي بيسمعوهم و يشوفوهم في الكنيسة

**أيها الأحباء، إذ كنت أصنع كل الجهد لأكتب إليكم عن الخلاص المشترك، اضطررت أن أكتب إليكم واعظاً أن تجتهدوا لأجل الإيمان المُسَلَّم مرّة للقديسين**

يهودا 1 : 3

مافيش قضية في الكنيسة أو في حياتنا أهم من صحة إيماننا ... ببساطة لأن إيماننا هو البوصلة اللي لو فسدت عمرنا ما هانوصل للمكان الصح  
عشان كده كلام إن (الإيمان مش مهم) و (أي حد يقول يسوع يبقى كده هايخلص) ده خطأ تماماً! دي خدعة من الشيطان عشان يخدّرنا بيها و يفسد إيماننا

**لأنه دخل جلسة أناس قد كُتِبوا منذ القديم لهذه الدينونة، فُجّر، يحولون نعمة إلهنا إلى الدعارة، و ينكرون السيد الوحيد: الله و ربنا يسوع المسيح**

يهودا 1 : 4

حياة المسيحي و خصوصاً الخادم أهم بكثير من أي تعليم ممكن يقوله  
و الحياة مبنية على الفكر ... و الإيمان و العقيدة  
للأسف من أول الكنيسة و الشيطان بيحاول يدخّل فكرة كارثية: (ربنا أعطانا نعمة الغفران و أعطانا الحرية، فإحنا نعمل كل اللي احنا عايزينه) ... طبعاً ده بيقصد بيه الخطية (زي الطمع و الإباحية)  
و طبعاً ده إنكار لربنا لأن اللي بيعمل كده بيرفض إن ربنا يسوع يسود على حياته، و بيخلي شهواته هي اللي تسود

**نتعلم إيه؟**



(آية 8 و 10) و الخطايا دي تحديداً هي اللي كانت عند المعلمين الفاسدين دول

- **آية 11 عن 3 عصاة من العهد القديم أفسدوا الناس اللي حوالينهم**
  1. **قايين** اللي بعد ما قتل أخوه راح عاش بعيد و بدأ المجتمع الشرير البعيد عن ربنا (تكوين 4)
  2. **بلعام** اللي نصح بالاق ملك موآب الشرير بأنه يوقع شعب إسرائيل في الزنا عشان يضعف و يبعد عن ربنا ... و ده اللي حصل (عدد 22 ل 25 + 31)
  3. **قورح** اللاوي اللي كان عايز يسرق الكهنوت من هارون، و هيّج الجماعة كلها على موسى و هارون ... بسببه ابتلعت الأرض عائلته هو و داثان و أبييرام (عدد 16)
- **آية 12 و 13 فيهم أمثلة تنطبق على المعلمين الفاسدين** اللي زي:
  1. **رعاة أنانيين** و غير مهتمين بالرعية (حزقيال 34)
  2. **سحاب مافيهوش مطر** ولا خير بل منظر بس (أمثال 25)
  3. **أمواج هائجة** بتعمل قلق و اضطراب (إشعيا 57)
- **آية 14 ل 16 فيهم تحذير قديم عن يوم الدينونة** من التقليد اليهودي لأخنوخ البار (تكوين 5) جد لامك أبو نوح ... اللي كل اللي قال عنه الكتاب المقدس إنه (سار مع الله و لم يوجد لأن الرب أخذه - تكوين 5 : 24)
- **آية 17 ل 19 فيهم تحذير جديد من تلاميذ ربنا عن دخول المعلمين الفاسدين** ... و ده طبعاً إحنا بنشوفه في رسالة القديس بطرس الثانية و رسالة القديس يوحنا الأولى و رسالة القديس بولس الثانية لتيموثاوس ... و ربنا يسوع بنفسه قال إن ده هايحصل (متى 7)

و تنبأ عن هؤلاء أيضا أخنوخ السابع من آدم قائلاً: (هوذا قد جاء الرب في ربوات قديسيه، ليصنع دينونة على الجميع، و يعاقب جميع فجارهم على جميع أعمال فجورهم التي فجروا بها، و على جميع الكلمات الصعبة التي تكلم بها عليه خطاة فجار)

يهودا 1 : 14 و 15

فيه كتاب من الكتب اليهودية الغير قانونية اسمه (كتاب أخنوخ) فيه بعض النبوات و الأقوال الصحيحة لأخنوخ (السابع من آدم) لكن فيه كمان حاجات كتير مش صحيحة ... عشان كده ده جزء من التقليد مش من العهد القديم

النبوة دي جزء من الكلام الصحيح اللي فعلاً قاله أخنوخ ... و قاله كثير من أنبياء العهد القديم (زي موسى في سفر التثنية و زي زكريا و إشعيا) عن يوم الدينونة اللي فيها مجازاة للخطاة على شرهم و عصيانهم

**و أما ميخائيل رئيس الملائكة، فلما خاصم إبليس محاجاً عن جسد موسى، لم يجسر أن يورد حكم افتراء، بل قال: (لينتهرك الرب!)**

يهودا 1 : 9

الحكاية دي مش موجودة في أسفار العهد القديم، لكن موجودة في التقليد اليهودي بتحكى عن آخر أيام موسى النبي (إحنا عارفين من سفر التثنية إنه مات على الجبل و ماحدث عارف جثته فين ... و طبعاً ده بتدبير ربنا عشان اليهود مايخطئوش و يعبدوا موسى) المعنى إن لقا موسى مات، وقف الشيطان (المشتكي يشتكي عليه قدام ربنا)، و الملاك ميخائيل رئيس الملائكة ردّ على افتراءات الشيطان لكن ساب الحكم النهائي لربنا (عكس خطية الكبرياء اللي عند الشيطان)

**نتعلم إيه؟**

تأثير المعلمين الفاسدين مدقّر جداً لأن واحد ممكن يدقّر الكنيسة كلها، زي أريوس

يا رب احفظ كنيستنا و حافظ على آباءها اللي بأرواحهم بيحموا الإيمان المستقيم 🙏

# 3: كيف تتعامل الكنيسة

إصحاح 1 : 20 ل 25



الصورة من موقع BibleProject

• آية 20 و 21 فبهم وصية **الحفاظ على الإيمان المقدس** كأساس لبناء هيكل الله (كل واحد فينا)

• آية 22 و 23 فبهم **دورنا تجاه بعضنا البعض** : الرحمة لكل يأس ... و التحذير لمن يستهين

• و ينهي القديس يهوذا الرسالة بصلوة ختامية عشان ربنا يحفظ ولاده من العثرات

**و أما أنتم أيها الأحباء فابنوا أنفسكم على إيمانكم الأقدس، مصليين في الروح القدس و احفظوا أنفسكم في محبة الله، منتظرين رحمة ربنا يسوع المسيح للحياة الأبدية**

يهودا 1 : 20 و 21

تشبيه جميل جداً: إنا هياكل الله و روح الله ساكن فينا ... و الهيكل ده لازم يتبني على الإيمان الصحيح و المقدس (العقيدة السليمة عن تجسد ربنا يسوع و صليبه و موته و قيامته و مجيئه الثاني)

فوق الأساس ده، الكنيسة بتبني صلوات بقوة و قيادة الروح القدس + طاعة في محبة الله و اللي بيحفظ ده هو الاستعداد و السهر الروحي و اليقظة في انتظار مجيء ربنا يسوع

**و القادر أن يحفظكم غير عاثرين، و يوقفكم أمام مجده بلا عيب في الابتهاج الإله الحكيم الوحيد مخلصنا، له المجد و العظمة و القدرة و السلطان، الآن و إلى كل الدهور. آمين**

يهودا 1 : 24 و 25

ربنا هو اللي يقدر بنعمته يحفظنا من العثرة و من الوقوع لو إنا ثبتنا فيه

**نتعلم إيه؟**

البناء الروحي لا يستقيم إلا على إيمان سليم ... فوqe نبني بالصلاة و بالمحبة و بالطاعة لوصايا ربنا ... و اللي بيحفظ هذا البناء من الانهيار هو اليقظة و السهر الروحي

يا رب خليني دائماً ساهر و يقظ على نفسي و خلاصها ... عشان مايجيش عدو الخير يهدّ  
اللي الكنيسة بنته فيّ



المراجع

- موقع [The Bible Project](#)
- وعظة أبونا داود لمعي من برنامج [فتشوا الكتب](#)
- موقع [القديس ت كلاهيمانوت](#)